

FTALATI U IGRAČKAMA



RIZIK

Ftalati mogu imati toksičan učinak na jetru, bubrege i reproduktivni sistem, te mogu djelovati kao endokrini disruptori.



PRAVNI OSNOV

Dječije igračke u pogledu sadržaja ftalata moraju biti u skladu sa zahtjevima **Odluke o ograničavanju stavljanja na tržište igračaka i proizvoda za djecu koji sadrže ftalate** ("Službeni glasnik BiH", broj 04/10).

Ftalati (diesteri ftalatne kiseline) su tvari koje se mogu naći u mekom PVC, vrsti plastike koja se koristi u proizvodnji igračaka. Zbog svojih fizičko-

hemijskih svojstava ftalati su vrlo mobilni i lako migriraju iz plastičnih proizvoda. Različiti ftalati imaju različite namjene, hemijske strukture i toksičnost profila. Prema propisima o hemikalijama (Uredba REACH u EU) DEHP, DBP i BBP¹ su klasifikovani kao reproduktivno toksični.

Prema Odluci o ograničavanju stavljanja na tržište igračaka i proizvoda za djecu koji sadrže ftalate, zabranjena je upotreba ftalata DEHP, DBP, BBP u svim igračkama i proizvodima za djecu, dok su ftalati DINP, DIDP i DNOP² zabranjeni u igračkama i proizvodima za djecu koje djeca mogu staviti u usta u koncentracijama većim od 0,1% mase plastificiranog materijala.

Sadržaj ftalata u igračkama i proizvodima za djecu se utvrđuje laboratorijskim ispitivanjem.



OBAVEZE POSLOVNIH SUBJEKATA

U skladu sa Zakonom o općoj sigurnosti proizvoda („Službeni glasnik BiH“, broj 102/09) i Odluci o obliku i sadržaju obavijesti o opasnom proizvodu („Službeni glasnik BiH“, 55/10), proizvođač/uvoznik je dužan da na tržište BiH stavlja samo sigurne proizvode, a ukoliko je znao ili bi morao znati da proizvod koji je stavio na tržište za potrošače predstavlja rizik, dužan je o tome odmah obavijestiti Agenciju za nadzor nad tržištem BiH, preduzeti odgovarajuće radnje, uključujući povlačenje sa tržišta takvih proizvoda, adekvatno i efikasno upozoravanje potrošača i povrat proizvoda od potrošača.

Aktivnosti nadzora Agencije i mjerodavnih inspekcija entiteta i Brčko distrikta BiH u 2016. godini biće usmjerene na proizvode koji mogu predstavljati opasnost za zdravlje djece usljed izloženosti ftalatima, kao što su dječije lutke i druge igračke, posebno one izrađene od polivinil hlorida (PVC).



Provjerite da li je proizvod povučen sa tržišta Evropske unije i/ili tržišta Bosne i Hercegovine, i ako jeste slijedite upute za povrat ili ga uništite. Na internet stranici Agencije možete pronaći sve informacije o igračkama i drugim proizvodima, koji su povučeni sa tržišta od strane mjerodavnih institucija u zemljama Evropske unije, kao i informacije o nesigurnim proizvodima pronađenim na tržištu Bosne i Hercegovine.

¹DEHP: di-(2-etilheksil) ftalat; DBP: dibutil pftalat; BBP: benzil butil ftalat.

²DINP: diizoonil ftalat; DIDP: diizodecil ftalat; DNOP: di-n-oktil ftalat.